

Na osnovu člana 8. Zakona o ministarskim, vladinim i drugim imenovanjima u Federaciji Bosne i Hercegovine („Sl. novine F BiH“, broj: 12/03; 34/03 i 65/13), a u vezi sa članom 33. stav 2. i članom 35. Zakona o pravobranilaštvu (Službene novine Zeničko-dobojskog kantona“, broj 12/13) te Odluke o osnivanju općinskog pravobranilaštva Općine Vareš, broj: 01-180/15 od 30.11. 2015. godine, načelnik Općine Vareš raspisuje

JAVNI KONKURS

za imenovanje Općinskog pravobranioca Općine Vareš

I Naziv pozicije:

Općinski pravobranilac Općine Vareš – 1 (jedan) izvršilac

Općinskog pravobranioca imenuje Općinsko vijeće na prijedlog općinskog načelnika.

Općinski pravobranilac imenuje se na 4 (četiri) godine.

II Opis poslova

Općinski pravobranilac je zakonski zastupnik općine koji preduzima pravna sredstva i mjere radi pravne zaštite imovine i imovinskih interesa općine i koji obavlja druge poslove određene zakonom, rukovodi radom pravobranilaštva, stara se da se svi poslovi i radni zadaci obavljaju zakonito, stručno i blagovremeno, preduzima mjere za unapređenje organizacije rada pravobranilaštva, učestvuje u radu u svim predmetima u pravobranilaštvu, izrađuje godišnji izvještaj o radu pravobranilaštva i program rada, te radi na drugim analizama, informacijama i izvještajima, prati društvene odnose i pojave od interesa za ostvarivanje funkcije pravobranilaštva, preduzima mjere za unapređenje organizacije rada pravobranilaštva, donosi Pravilnik o unutrašnjoj organizaciji, učestvuje u donošenju ostalih normativnih akata pravobranilaštva, pruža stručnu pomoć organima i pravnim licima iz člana 3. Zakona o pravobranilaštvu u rješavanju imovinsko-pravnih pitanja, daje pravna mišljenja na ugovore i odluke o sticanju i otuđenju nekretnina u vlasništvu općine prije njihovog zaključenja i druge ugovore u skladu sa Zakonom o pravobranilaštvu, zastupa općinu u sudskim i upravnim postupcima u kojima ima položaj i prava stranke u postupku u skladu sa zakonom, obavlja i druge poslove i zadatke za koje je ovlašten prema Zakonu o pravobranilaštvu.

1. Opći uslovi

- da je državljanin Bosne i Hercegovine,
- da je stariji od 18 godina,
- da je zdravstveno sposoban za obavljanje poslova za koje se prijavljuje,
- da nije otpuštan iz državne službe kao rezultat disciplinske mjere na bilo kojem nivou vlasti u Bosni i Hercegovini u period od tri godine prije dana objavljivanja ovog konkursa,
- da nije pod optužnicom Međunarodnog krivičnog suda za bivšu Jugoslaviju (član IX 1. Ustava Bosne i Hercegovine),

- da nije osuđivan za krivično djelo koje po zakonu predstavlja smetnju za imenovanje na predmetnu poziciju,
- da se protiv njega ne vodi krivični postupak,
- da ne obavlja niti jednu drugu javnu ili profesionalnu dužnost, niti je član izvršnih tijela političke stranke.

2. Posebni uslovi

Pored općih uslova kandidati za navedenu poziciju treba da ispunjavaju i sljedeće posebne uslove:

- VSS/VII, završen Pravni fakultet, odnosno drugi i treći ciklus Bolonjskog sistema studiranja pravne struke.
- Položen pravosudni ispit.
- Da ima iskustvo u radu na imovinsko-pravnim poslovima, u pravobranilaštvu/pravobraniteljstvu, pravosudnim organima, drugim državnim organima, preduzećima (društvima) i drugim pravnim osobama u trajanju od najmanje 4 (četiri) godine, nakon položenog pravosudnog ispita.
- Da je radeći u državnim organima i pravnim licima stekao/la ugled pravnog stručnjaka i da posjeduje najviše moralne osobine za obavljanje poslova općinskog pravobranioca.

III Potrebni dokumenti

Kandidat za općinskog pravobranioca, uz prijavu na konkurs, obavezan je priložiti:

- biografiju sa adresom i kontakt telefonom,
- uvjerenje o državljanstvu BiH (ne starije od 6 mjeseci),
- fakultetska diploma (nostrificirana diploma ukoliko fakultet nije završen u BiH ili je diploma stečena u nekoj od država nastaloj raspadom SFRJ nakon 06.04.1992. godine),
- uvjerenje o položenom pravosudnom ispitu,
- uvjerenje da ima iskustvo u radu na pravnim poslovima u pravobranilaštvu, pravosudnim organima i drugim državnim organima, preduzećima (društvima) i drugim pravnim osobama u trajanju od najmanje 4 (četiri) godine nakon položenog pravosudnog ispita,
- uvjerenje o nekažnjavanju (ne starije od tri mjeseca),
- uvjerenje da se protiv kandidata ne vodi krivični postupak (ne starije od tri mjeseca),
- ovjerenu izjavu kandidata da nije otpuštan iz državne službe kao rezultat izrečene disciplinske mjere u period od tri godine prije objavljivanja ovog konkursa,
- ovjerenu izjavu da kandidat nije obuhvaćen članom IX 1. Ustava Bosne i Hercegovine,
- ovjerenu izjavu da kandidat nije član političke stranke, te da ne obavlja poslove u organima stranke, političkim udruženjima ili fondacijama koje su povezane sa strankama, te da nije uključen u bilo kakvu političku ili stranačku aktivnost.

Dokumenti koji se prilažu moraju biti u original ili ovjerene fotokopije.

Izabrani kandidat će biti dužan dostaviti ljekarsko uvjerenje o zdravstvenoj sposobnosti u roku od osam dana od dana izbora.

Prijave sa traženim dokumentima dostavljaju se lično na pisarnicu Općine Vareš ili putem pošte – preporučeno u zatvorenoj koverti na adresu:

OPĆINA VAREŠ

Komisija za izbor općinskog pravobranioca

Ul. Zvijezda br. 34

71 330 VAREŠ

**Sa naznakom „Prijava na konkurs za imenovanje Općinskog pravobranioca –
ne otvaraj“**

Ovaj konkurs će se objaviti u „Službenim novinama Federacije BiH“ , dnevnom listu NN „Naša riječ“ i Web stranici Općine Vareš.

Rok za podnošenje prijava na Javni konkurs je 15 dana od dana posljednje objave .

Nepotpune i neblagovremene prijave neće se uzeti u razmatranje.

OPĆINSKI NAČELNIK

Zdravko Marošević

